

陳文正公文集

陳文正公文集卷之八

外集

文正公小像贊

宋僕射虞允文

瑩乎其外玉潤而水清確乎其內理具而氣克勲業昭于盛時
簡命出自淵衷執正議而不同臨危變而不傾藻鑑之明足以
登崇乎俊乂才猷之著足以黼黻乎時雍噫其所以默相天常
者孰非斯人之功也耶

魯國陳文正公生前贊

宋梁克家

年未踰六十而官階一品身不滿七尺而心雄萬夫偉洪範五

福之全沐四朝雨露之濡噫若公者蓋喬嶽之降神與古人而
齊驅者耶

朱子贊

弋之陳君景思同官主管東西京崇福宮祠事一日出示其大
父太師魯國陳公小像二聖皇上金書玉券暨公劄牒詔草鉅
公碩輔贈奉詩文瞻拜捧誦不勝敬仰熹惟陳氏冠蓋不絕世
德之盛昭我聖皇御筆麗藻以褒崇之公卿百執事章文以表
揚之而公之手澤遺言唯謹是亦足以傳世矣愧淺陋未學何
取僭易輒贊一詞不足以取信于當時竊附簡末以告觀者其

詞曰 弘遠規模汪洋度量學貫天人位隆將相人物權衡
靈倚伏翊我聖皇天年有像淳熙十五年秋九月望日朝奉郎
直寶文閣兼東西京事門人新安朱熹拜贊

文正公小像贊

華陽伯南軒張 拭

學識之克才量之博先君之憂而憂後已之樂而樂避金非
也而焚詔促征脩邊非難也而解衣諭道於戲若公者其克濟
時艱而誠哉真宰相也歟

文正公小像贊

明少卿李 奎

廓乎有容粹乎其質論薦惟賢百僚効職默贊廟謨丕有顯績

休聞孔彰垂耀周極

讀親征草詔跋

何澹

紹興辛巳魯國陳公決親征之議時有陰掣其肘者如訖公澹
淵時事勢日危人情日洶而公意方銳乃能坐制逆首之命親
征詔書魯公受命擬上手自刊定而以其藁示伯父後四十年
此藁復歸于公之孫大監大監將入石以永其傳公之英氣凜
凜溢於翰墨之外千年猶一日也故嘗謂景德敗盟非萊公無
以恢承平之緒辛巳敗盟非魯君無以振中興之業國家蒼生
撥亂之際豈全無保妻子之臣所能辦哉慶元庚申重刊

何澹書

謝親征草詔跋

謝深甫

深甫布衣時在田野間得此詔讀之嗚咽流涕逆虜侵軼當不足平但憾未知掌帝制者是誰而能宣寫上意感動人心振厲士氣一至于此遽令獲見詔草廼文恭魯公真蹟塗改竄定筆墨如新使人起敬仰嘆知公忠憤激烈詞藻英發果能竦群聽激衆怒而挫虓虎于掌肱間也然自中興以來咫尺之書爲據夷狄立華夏者多矣惟親征之詔垂四十餘年凡稍有知識者皆尙能傳誦而聞思奮言之入人深未有若是者端由恩陵恢

復之志寤寐弗忘而公之精誠許國動金石而貫日月所以形諸播告者炳炳如丹雖千百載猶不泯也慶元六年五月廿八日臨海謝深甫謹書

讀親征草詔跋

陳說

紹興辛巳逆亮擁衆若林長驅南下侵軼我淮甸克殲蕞天斯人甚恐在廷之臣各歸其孥或寄家逆郡爲避虜計獨故相魯國公闔府不動示與國同休戚說時爲太學生親詣其事杜公之忠義勇節第未知親征詔書乃公作也後四十年說時與公之孫親當塗史君華文大監同朝蒙出詔藁筆跡宛然其公之

具在下拜伏讀嘆異不已嘗聞言乃心聲文以氣王公許國之
忠着于心憤虜之誼形于氣感慨內發而詞采外彪故其文不
雕琢而自工其用事不嫌配而自切六軍之士以之而奮勵犬
羊之類以之而沮喪宜南面之授首中興之功再振雄文也嘉
泰元年辛酉正月十有九日莆陽陳說謹跋

讀親征草詔跋

葉適

高宗三珍戎醜皆親征決進身定中興維揚凱旋尤大虜悉又
不敢復言戰耳心受和南北安寧又四十年矣此詔至今人
人能誦之是時陳文正公首相力贊密議自草詔本鎮危扶危

獨任大事與寇公同功第寇公之後中原之勢少屈陳公之後
江左之氣方伸視寇公爲多焉遠從士大夫之後竊聞爲國者
之論合之上規殷周下軌漢唐後讐正名尊華賤夷本末宏大
未易名舉念往察來可以浩嘆公之係景思以示終題其末嘉
泰三年十月龍泉葉適拜書

讀親征草詔跋

辛棄疾

使此詔出于紹興之初可以無事雖之大耻使此使詔行于隆
興之後可以卒不世之伐功今此詔與此虜猶俱存也悲夫嘉
泰四年三月丙生辛棄疾拜手謹書

讀親征草詔跋

張巖

詔草出于詞苑常制也若用兵決計惟當國者尸之前伐吳伐
蔡皆羊叔子斐晉公身任其責觀此詔藁則知辛巳應敵魯公
力主是議不容不親秉筆也巖淮人幼處鄉郊親見當時此詔
一頒人士皆有感激思奮之意山東讀奉天之詔謂賊不足平
中原讀紹興之詔已知虜不足破矣四十年安靖之福實基于
是文章之功如此哉嘉定改元正月既望維揚張巖拜書

陳文正公遺像制誥墓文跋

沈琮敬

紹興甲寅金人始敗盟也四太子戎馬搶攘南踰淮泗矣時廷
陳文正公文集

卷之八

六十七

喬孫乃桂神正

臣計惟勸帝散百官他幸以避之耳惟豐國忠簡公毅然以興
兵圖復爲言召張韓諸將以摧挫其不可犯之鋒而南宋之憂
不止于叛豫中之割據也紹興辛巳金人再敗盟也海陵旗幟
紛紜南臨大江矣時左右臣謀維帝不幸蜀則趨閬耳惟魯國
文正公晏然鎮靜焚散百官之詔勸帝親征以秘其白刃之禍
而南宋之患不止于王權昭關之潰也惜忠簡一厄于奸檣竟
卒于吉陽軍之謫而所遺憾于後世者多惟文恭始雖抑于檣
而久偃蹇于下僚檣死後旣相思陵又相阜陵退而復召係人
望所屬者幾千餘年蓋忠簡之貧賤不能移威武不能屈晚年

氣激而愈勵聖賢之高志也文恭以進退係安危生死爲哀宗
平生身名無少貶損君子之全節也紹興中先後名相以陳趙二
公爲首稱宜哉今觀文恭所遺制誥乃以尙書僕射之職兼樞
密使者紹興三十二年六月阜陵內禪是年十二月而拜是命宜
麻之日卽頌告身意者其諸文恭公奉冊定議禪位輔蒸之力爲
多署浩後忝知政事汪澈給事中金安節其計平生則詳于翰
林院學士劉璞奉勅所爲神道碑文浩沮紫巖中與之功亦槍
之餘孽後世爲王十朋劾去不足齒矣澈與安節有大臣風烈
亦不減文恭其忠顯之系微猷之子屏山先生之從子也其才

莫經濟非止以文學通而文正公之文三遺編雖未盡其
隆興之際亦一特人也公之文亦卒所著三遺編初等
改謚文正去今三百餘年矣文恭有十一世孫季彬收藏公之
遺像而諸墨文幾為一校其神氣行墨宛乎前日製作也而知
大陽事具淵源深知重文獻之事汲汲焉為求致于後嗚呼
忠簡與文獻晚年去就雖不同然于身歿之後忠簡配享思陵文
恭配享建寧百世之下公論攸定矣獨不知忠簡遠孫亦有如
季彬能傳流文恭乎擇先物之一者歟亦有縣令如源深為表
彰于今日者歟此予因跋是冊不能不起夫箕尾餘光之歆仰

長進之遐想也源深由進士起家知重此事則其餘皆可
大順七年癸未夏六月之朔日賜進士中順大夫廣信府
平湖沈琮敬啟

讀陳氏世家譜跋

陳一勤

非生於空乘疇不從上古來奕葉培根於今斯今繩繩今
今爲鼻爲耳以解雲初猶山之祖崑崙河之祖天潢一
皆陳氏爲帝舜至昭昭經史厥後繁昌半天下昔帝所居
大邑成都而當其隨所居成族似紘紘難稽要就諸邑陳氏
猶焉而各邑各族洵井井而弗淆者予虞族也始祖扈駕以

任紹興路學錄于虞一世二世歷今世久舊故有譜憾殘
輒煥佚氣私心是悼蓋家之有譜猶國之有史郡邑之有志也
吏者師古今之治志者志郡邑之蹟而譜者普家世之序補史
志所未載俟志林輯之史氏採之列淑慝裨政化匪渺而可令
闕如耶世丁革命余將於十畝間賦閑也泄也而當路迫予出
署弋令殊羞宗祏抑猶萬舞日中謠言錫爵者然庚寅春王會
子衿陳來泰等呈其家譜于余愀乎庶祖宗所自來而乃以探
山之祖河之宗不敢泯根之所觴閱之而羨弋之一宗人文豹變
第顯祿文正公外輝映後先而吾宗號半邑陳旻文武世家

舊彥則岐嶷紳綏則山斗赴桓則柱石赫奕不啻椒實而
念太丘後流風之遐餘韻之悠耶紀安漢公有天下合羣
詔食祿朱范文正謂子姓分疎戚以祖宗視之皆一體而
胡以敦同宗俾無忤于文正乎騰譜竣不容不贅一詞夫人
則事舉恩景山之高尚俟河之清是爲跋

順治七年春正月望日
文林郎知弋陽縣事原任興州
陳一剡拜手謹書

陳文正公文集卷之九

外集

梅溪王十朋上陳丞相書辭免除著作佐郎

某伏准省劄除某爲著作佐郎仰沐鈞陶感激亡地某比緣私計不便屢入劄子乞外差遣未蒙敷奏今求去得遷閣命驚懼不能自己欲乞鈞慈曲賜矜恤特與奏聞以寢新命庶使愚分稍安獲逃罪戾不勝萬幸

王十朋上陳丞相書辭免除命乞外任

某昨曾冒瀆鈞嚴辭免除命實緣求去未獲驟得美遷心不遠

安非敢矯激雖小官不當辭職在前輩
月故事伏望鈞慈特
賜敷奏仍乞檢照某十月內乞外任劄
併賜施行

王十朋上陳丞相書

某昨再瀆鈞嚴辭免除命復蒙鈞旨以其官不當辭不與敷
某有懷未盡瀕至再陳竊謂小官雖不當辭在前輩亦有成
至和嘉祐間王荊公召除館職及命修起居注皆力辭不
時非獨在下者能辭在上者亦容其辭荊公雖立四事業
人意至辭受之際君子不以爲非世謂王荊公辭小不辭
馬溫公辭大不辭小荊公辭小固無可議不辭大則可

不辭小者但謂小不必辭謂小不當辭紹興初張侍郎子韶爲著作亦以求去得遷前至五六遂得外任惟秦太師當國不容士大夫辭職及求去習以成風遂至今日有辭免者則以爲立異有求去者則以爲沽名但云官不當辭不問事之可辭殊不知古人進退辭受惟問義理如何前輩故事不問官職高下某今來所辭實緣不去未獲覲得美遷心不遑安非敢矯激伏惟僕射相公以道義事君以忠恕待下今某以私計不便而求去以求去得遷而力辭曲賜矜憐特與敷奏仍乞檢照某十月內卽次乞外任劄子詳踴施行

朱子上陳魯公書

伏惟明公以大忠壯節早負天下之望自知政事贊相密勿凡
念執皆係安危至其甚者輒以身之去就爭之雖未卽從天
之信公也益篤天下之望公也益深懔懔然惟懼其一旦必
而不可留也

又書畧

平以來將相大臣始終全德無

明公者指不可以

領

上福國公啓

生氣粹瑋學深淵海蚤著士林之望亟膺宸眷之知仰高
恬養之風久淹琳食復紫橐精華之舊超冠天官欲振起斯
文千委靡之餘故將順其美于聽納之際志存社稷身任股肱
帝心以鎮撫四裔莫予敢侮丈夫當掃除天下舍公其誰謂事
不具如以人故在上必引其類

王十朋上福國公啓

聖敷明命榮陟首班用賢非以序遷簡命寔由人望丞相學傳
聖絕心造道微德寬大而能有容氣直剛而不可奪入則以嘉
猷而告君出則以斯道而覺民房玄齡心不吝權斯能持千衆

美蕭相國法若畫一固宜冠于群臣况宰相以鎮撫四裔而夫
夫當掃除天下今日之事舍公其誰侵疆未歸人咸望于夫子
不仁者遠功實在于臯陶罔俾古人獨專其美

又

廷滇大號相登真儒謹呼萬方聳動列辟丞相氣大以直學明
而誠入則正色朝廷出則乃心于王室行藏合聖人之用舍進
退爲天下之重輕不肯枉尺而直尋惟務獻可而替否章奏上
而求去甚力睠愈隆而挽晉益堅可謂大臣已久慰蒼生之望
豈立作相宜蓋行平日之言績坐底于咸熙喜真成于不寐

朱子上陳魯公啓

迥憂患以求閒方陳危懇卽便安而誤寵并沐殊私弗遠懇辭
乞成忝冒伏念熹學非信已材不逮人生際休明豈自止于淪
棄病侵遲暮以莫奉于驅馳比叨民社之臨猶吳桑榆之効屬
私門之變故致公務之弛懇懇旬時已積簡書之畏顧瞻時
昔未忘香火之修仰洪造之不遺服明恩而已辱敢意便蕃之
錫更臨論譔之蒞顧上音特達之深知昔幸容其應選而望上
叮嚀之中命今復矜于眷懷權拜賜之無名曩騶章而自列重
煩膏肓曲借寵光仰戴皇慈欲終辭而不敢自憊末路知仰報

之難圖祇命以還措躬無所茲益伏遇丞相國公妙熙天粹獨
運化鈞欲儲材于朽鈍之餘肯垂意於事功之外遂令衰晚有
此叨踰烹敢不思稱承名勉終素業考詣前聖悅不謬于正傳
贊彼后知或少俾于大化過比以往未加所裁

陳文正公文集卷之十

外集

詔草序

陳以初

昔范宣子問秦穆叔曰古人有言死而不朽何謂也穆叔曰豹
門太上立德其次立功其次立言雖久不廢此之謂不朽夫公
之不朽當可徵於後矣吁是墓也特公之餘緒耳未可以究公
也而公之孫思思欲刻傳之者蓋以公之片辭隻字皆爲世
寶不可遺也雖然嘉禾植于崇崗之上膏雨而日暉之其葩
爛乎群目固非幽芳凍秀所可倫也抑人之賴其光燭其實者

不既多平生重有感於是遂忘其固陋庸敢僭序之實高山景行之志也夫居崑崙而論嵩岱持土直而置之夜光照乘之上可乎哉可乎哉嘉定甲申首夏末游檣李以初書

御賜金線譜命汪藻直學士叙譜文

吏部尚書左僕射進封福國公陳康伯請于朝而作家譜上賜誥以褒之命史臣汪藻以叙之藻端拜而言曰夫六朝以來家有譜系之學又有譜系之書隋經籍志載天下郡縣國氏族譜若干卷唐世此學此書盛行五季淆亂四方割據馬殷在湖南獨能薄賦輕徭又招納賢者故中州士多歸之後以希聲兄弟

予國士稍稍散去今觀陳氏之譜其先世系出潁川陳卿晉永嘉之亂太尉廣陵郡公準之六世孫步兵校尉鼎南遷分爲五支太尉十九世孫雲騎將軍真二十二世孫常侍將軍嶠沈之於睦州宗系載於碑碣國史爲官族二十四世太監太公達自睦州因官擔簦而來乃息肩于信之輝光黃鑒社後五年徙石懷山下隱棄社居焉生三子長材析居於前號曰前陳次材居若干後號曰後陳三爲僧但緣山水秀奇風氣完固陳氏又世多積德澤及子孫由是英傑輩出開科業儒者一百三十餘人蕃衍盛大析居于祥符九年分二十有一分三十二世係

仁瑞遭難避地于亳州譙縣三里後遷于弋之齊山下愛山水
之勝遂遷居焉生一子欽拜官莆田尉尋擢承直郎判信州謚
明道以明堂及以孫貴恩贈太師追封英國公寔起家之祖生
二子長文義早年高尙晚以禮聘玉山書院山長謚學正以孫
貴贈太保追封鎮國公次文清以荐知東陽尉義生仕堯以孫
貴贈太師追封楚國公謚惠和仕堯生居仁以孫貴贈太師追
封越國公謚孝靖生三子長林仲以皇恩贈上騎軍都尉次榮
以子名封上騎輕車都尉次亨仲登紹聖甲戌拜左承議郎
任江州提舉轉運副使以子貴太師追封秦國公謚忠肅生

子長康侯登建炎己酉進士授迪功郎轉累擢防禦使大
中大夫統制次康伯登宣和丙午進士拜左右僕射進封福國
公家聲世範赫々播揚世不乏人出非其庸夫木之茂者必盛
流之遠者必深茲譜之作上不忘其所自下不忘其所傳又所
收人心慰怒之性爲尊々親々之念昭穆以之而明親疎以之
而辨慶吊以之而往來患難以之而矜恤服雖盡而情不盡後
之子孫繼述而起者邇流尋源斯譜之不可不作焉方今聖皇
在上天成地平相協厥居彝倫攸叙時乃化行于上而俗美于
下也吁陳氏之子若孫能體足心而弗替引之則世澤之行世

德之深有以光于前而譜之傳愈遠而無窮矣藻承上命俾書
其端不敢以不文

族譜序

張浚

左司丞相福國公陳公以其所修陳氏家譜示予且屬爲之序
浚肅觀畢卷而嘆曰盛哉斯譜仁義藹然矣按江南之有陳氏
自太監太公逵始其後析居分爲二十一支再分爲五十四小
支康伯公則自仁瑞公支由穎由避難而睦而懷玉而甫而泉
而譙再徙而來者也太監蓋下有餘年其間以文章道德勲名
功業自見于世者不可覩縷於載盛矣哉公承父兄之命請於

朝而修譜今始克因厥遺緒詮次成編然必先之以舊譜序文
者明作譜之權輿也次之以史傳記載者姓氏之源流也又次
之以郡縣及世表者見門第素望有在也於是爲圖以詳世系
焉其爲圖也準歐陽氏五宗九世之法推而上之則見其本之
所自出遜而下之則見其支之所由分愈推則愈高而尊上之
義昭愈遜則愈卑而親上之仁溥譜法莫脩於茲矣復以行實
見于翰墨間首係之則又推譜之餘意也嗟夫譜豈易言哉自
大宗小宗之法廢而尊上親上之道所賴以不墜者惟譜牒存
焉爾至歐陽氏推本年表著爲圖譜而後譜法有定論蓋得大

宗小宗之道意也近世公卿大夫士家鮮知講及于此間或牽
聯附合如剪挑接柳氣味不相入也或填隙補空如斷港絕潢
脉絡不相貫也渾淪者若病繫燕簡畧者若病枯索大率無微
無法譜云乎哉夫畝永傳者貴乎有法冀後信者貴乎有微無
法不足傳無微不足信公之是編世系雖遠斷自仁瑞公始遷
弋爲適則有徵矣譜牒雖數本于歐陽氏之格律爲正則有法
矣是誠足以傳永信後視彼穿鑿謬戾之習豈不徑庭也哉公
勲名德業前輝後裕軒輊穹壤燠灼古今獨步當世宜其所成
之不苟也如此是編成不特陳氏子孫始有以興起其尊也親

親之意引而不替而四方賢士大夫苟有敦仁義重本始者且
將于此取法焉庸奴以歸之

族譜序

辛次庸

天下事有可傳者亦有不可傳者於其可傳而不傳者失之疎
後世將無聞焉於其不可傳而附會摭拾以傳者妄也闕疑之
史在哉昔仲尼刪書斷自唐虞而於詩自二南始蓋亦存其
善而闕其所不足信也國史不可尚矣惟家之譜也亦然人
之生待姓必各有所自始木之生也必有其本水之流也必
有其源或者漫沒以求時勢之不可考者不可傳也而其源委

脉絡一綫尙存可以克而拓之者猶幸有崛起于稠衆之中恍然以下墜先緒光啓後人任者立其間也吾國氏族繁衍者固多惟茲陳氏自昤而瓜日昌日盛其永無疆之休以甲四方之族者正爾其駿也忠肅公登第以文顯於朝紫誥榮封輝騰玉旨爲時名卿惓惓以教本睦族啓大其後爲已責永克成編一曰棄世命寶藏之福國公遵父命請于朝始事譜系斷自仁瑞公避難遷於弋之爲上祖第其世刻其名從其所可知而信其庶可傳也仁瑞公而上稱陳于信之輝山并睦之莆之燕之高陵者塚墓尙存木本水源非無可據也世遭兵燹事更時勢不

強其所不可傳闕疑也夫尊祖敬宗而足稱孝子順孫者福國
公以之史官詳脩具存行實使爲子若孫者指而言之曰某善
某德某文某學某武某功凡吾子孫當世則之某事某業某丘
某產某方某土凡吾子孫當世守之又從而指之曰某子某孫
某兄某弟某姪皆吾同支其派生死而骨肉也有不得已更相
維持之本之教族之厚陳氏其表事鄉閭而永永有傳者自吾
國公忠肅公始辱交厚且久敬仰其用心仁厚者類若是是
爲之作譜序

陳氏譜序

謝深甫

氏望潁川按姓氏書有媯廼虞舜之後食采太皞之墟以國
氏昭穆散濶頗難稽考由漢唐來枝派愈蕃公卿將相之出
川者後先相望簪纓家世寔問于時五季畿右之亂乃徙于
江南家于信之弋陽遂占籍焉弋陽之陳上世善慶之澤發源
于楚越波瀾于秦公義方起家實權輿之故大丞相文正公勲
業鼎彝漳州史君又爲良二千石一門盛大皆由文正公而顯
趙公三子秦爲次秦公二子女正爲次漳州之子亦有其序鱗
比于圖披覽一觀如聚一堂之上噫五世其昌並於正卿八世
之後莫之與京此媯喬氏龜占之語也尙異陳氏之後子有孫

孫有子永永勿墜先業庶幾不辱忠教之訓云慶元五年己未
重午臨安謝深甫拜書

陳氏譜序

何澹

族之有譜尚矣凡迹而爲之者皆法諸歐陽之文忠公與夫眉山之蘇氏然究其年表則繫乎史氏之筆焉其所以然者欲不
忘其源流之所出于其始之所以得姓也縱歷世愈遠枝分派
流亦得以考其同異誠有關於尊祖睦族之道豈小補哉弋陽
陳氏景思授兵部侍郎吾與同朝持其家譜出而示之請予而
序觀其前帙嚴整井井有條且曆星霜既久而猶新非崇本之

至保愛之至其孰能若是遂得考陳之源委其先乃帝舜有虞
之後裔至成周始受封而得姓然嗣從底于蕃衍盛大爲公爲
相更見迭至至于隋唐明道自潁川遷居信之弋陽發源于楚
越公初官於秦公一門顯大皆由文正文正之後仕官者始
繩繩螽螽是以知陳氏歷代爲名宦之族蓋上世積德之家矣
至于今而未艾今景思輩尤能承魯公之厥緒此益振其家聲
光前而繼後尙其尊祖睦族之道垂耀無窮豈不猶昔之陳氏
傳于今日乎尙勗之哉因其請之之勤輒不辭是爲序慶元六
年庚申歲孟夏既望樞密院使括蒼何澹拜書

族譜序

翼集

古者宗法明卿大夫皆世其家故其後子孫有本有支可以保合而不忘也縣屬而不散也三代以後宗法廢矣然有維持久遠之計不至于析視如途人者則由有譜焉耳賢人君子所以叙合族屬之道非譜無所寓譜其可無也哉有譜則由本而幹幹而枝枝葉蔓延相傳以至於無窮可以搜閱而坐索故雖散在千百人之身猶夫一體也及本窮源叙合族屬之道蔑以尚矣故夫等而上之自吾之父至吾之祖以至吾祖之所自出所以重本也而尊上之道存矣推而下之自吾之子至吾之孫以

至吾孫之所由分所以別支也而親之之道存矣尊之親之之道盡而風化所自出天下善治所自興宗法以後譜非惇世厚俗之一助也耶弋陽陳氏族譜成于宋紹興年迄今踰世有六踰年二百易代之後其子孫猶得以指其先世歷之如一日則以有譜焉耳而譜之舉墜不又存乎其人耶使或既爲之先乃莫爲之後雖欲言其世吾將何所徵耶故曰存乎其人耶陳氏之裔有旭向者嘗以世代日遠子孫日繁而族譜遂缺焉是懼於是乎迺重修之以益續其所未載尊祖敬宗之意繼往開來之道蓋兩得矣可謂克爲之後者詩曰無忝爾祖旭向以之陳

氏之後其以之至順辛未歲秋七月哉生魄奎章閣直學士纂
修國史同知經筵事虞集撰

陳氏族譜後序

方 冊

譜牒之作管攝人心敦睦宗族士大夫以禮訓家宜此爲先香
山縣丞陳季清俊偉不群佐政綽有能聲乃宣德己酉夏董封
建事會余于韶陽舍館閒嘗出所修族譜徵余叙之惟古宗法
載諸簡冊可考固不假及按陳氏譜自受姓以來歷年雖人世
次詳明親疎昭穆仕宦隱顯紀述無遺蓋不待求諸簡冊而舉
可見矣其先世居潁川五季時有曰欽者始遷今之弋陽欽之

曾孫康伯以相業顯于宋封魯國文正公追贈厥曾祖祖考俱授國公在當時其族貴盛良可知矣厥後子姓蕃衍簪纓相繼代不乏人何其世德之後培植之深歟至承凡十二世又能克紹先烈佐政之暇惓惓以譜牒爲念蓋懼夫譜牒不修則無以系宗族之心殆恐世遠親盡視若塗人于是修輯舊譜求謁儒碩作爲文章以發明先德啓迪後人其用勤矣噫服辨親疎禮有隆殺而斯譜有以彌縫之爲其子孫者覩斯譜思其祖宗皆知夫水木本源尊祖敬宗之意以時月令相率祭祀家廟拜會宗堂昭穆有倫尊卑有叙貽之百葉彌久愈篤則不獨化及一

宗而刑于一鄉由一鄉而推之無遠通然後知斯譜之作者有
光於前人有闢于世教豈細故哉子有孫孫有子宜世世寶之
戊戌進士廣東肇慶府新興縣知縣福建按察使番陽方冊書

陳氏族譜序

陳連

香山縣丞弋陽陳季清宋太師魯國文正公康伯十二世孫也傳
與不羈素有才識宣德丁未來佐邑政藉甚有聲近以所藏族
譜一通謁予爲序按陳氏出自有虞周武王封胡公滿於陳列
爲諸侯都宛丘遂以國爲氏後子孫分處四方多爲名族而居
潁川者爲特盛魯國先世潁川人五季中諱欽者始南徙信之

陳文正公文集

卷之六

八

弋陽至魯國以相業顯于宋追贈其先世爲楚越秦三國公族始貴盛今已十有六世支派日益蕃衍衣冠文物爲弋陽首稱苟非世德之厚曷足臻此於戲自受姓定氏以來所歷非一世所傳非一人列宗法不立中更遷徙之餘族屬無所統君子懼焉思有以聯屬之大而家世之系表小而士大夫之所圖宗分派別各繫其所出各詳其所親而不敢忽于以明嫡庶別貴賤辨異同而著孝弟之實苟或有所不謹必致稂莠亂苗涇渭混流青有矣譜牒之作其可後哉斯譜所紀自楚國以來歷七可持其遠而不可考者固在所弗論也豈非世德之後攸致與持

循謹守者有人耶予重季清之請故爲序其家世之盛俾後人
知所自思以奮勵述續前人之光也於是乎書宣德四年己酉
夏五月中澣掌國子監事嘉議大夫通政使司通政使羊城陳
璉書

族譜序

李奎

族譜傳世之書也尊祖敬宗睦族厚倫之道寓焉作之者貴求
其實質於往代而有徵驗於將來而有據斯足播今而垂後矣
何世俗往往崇尙虛僞務華忽實或指同姓古之名宦以爲所
自出之祖或授異郡今之望族以爲祖宗之親若是者比比可

慨也今觀陳氏之譜則不然始祖明道自五季徙於弋陽六傳至康伯仕宋累官至丞相進封魯國公父亨仲追贈秦國公祖文又贈越國公迄今十有七世其間名宦顯仕代有其人世系流派秩乎有序備載于譜牒七可考無一毫虛偽今嗣孫公信季彬持以請予請爲序因告之曰紀述世系固賴乎族譜之作不辱其先尤本乎德之修人能修夫德彝倫以之叙百行以之立尊祖敬宗厚倫睦族由之而推齊家治國顯親揚名由之而致其不忝乎祖而辱其先審矣今陳氏作于前者旣赫乎有耀矣繼之于後能以修德爲務則必光昭累世垂耀無窮而魯園芳

名偉績益光顯於不朽百世之下文獻有徵得不有賴乎斯譜也信足爲傳世之耑搆今垂後而無愧詩曰無念爾祖聿修厥德又曰子子孫孫勿替引之予于陳氏有望焉景泰四年歲次癸酉五月旣望中順大夫贊治尹大理寺少卿九川李奎書

• 陳氏族譜後序

族之有譜所以明乎昭穆而不至于失序譜之有文所以論譏先世之美而傳之永久凡今爲子孫者可不以是爲心乎若陳侯家譜之修可謂得此矣侯江右之名族也來佐吾之香邑一日公暇出譜示予請言爲序予得以閱其世次溯源及委而知

其族姓之代更世變歷年數百走蔓延子孫數百人自宋太師魯國文正公康伯傳而至侯十有三世其間文章道德仕宦相仍著功名垂于簡冊者不可枚舉嗚呼何其盛哉予因是而竊有感焉古今之受姓得氏者三世四世而寒落六世七世而凋零有能以數百世而家聲無忝于前者鮮矣夫豈無其故哉彼皆縱恣其富濶于盈滿之餘侯獨以修德而守乎忠厚之澤則其愈遠而愈盛固其理也今侯承先世之澤而稟聰明之資幼而蒙訓于家庭長而出佐乎百里筮仕之初又能正己以見知于上推恩以得民于下其功名事業將進不已而登崇階履峻

級並亨衢有不可得辭于他日矣自非上世積德之深侯之能
繼志述事何以臻此嘗考諸史如漢之石慶以孝謹聞而致二
千石者五人張世安以質直稱而爲卿大夫者十世以侯觀之
爲尤信矣宜侯食先世之報而流聲譽於無窮也宜侯譜牒之
修而昭先德之泯也視彼朝榮夕悴者又豈可同日語哉然是
譜也不惟有以昭先德之不泯而實足以垂勸後世俾子子孫
孫皆知忠厚之可以世其家苟知忠厚之可以世其家則必能
作引而勿替以充厥宗而致瓜瓞于綿乆也如此則斯文之作
不爲無益而區區以治下亦得以玷名于上而與有榮焉若夫

陳文正公文集

卷之十

八十七

族派世次之衍聯續分合之異見于諸作予故畧之于是乎書前
福建建寧府儒學教授香山李真撰

陳文正公文集卷之十一

外集

梅溪王十朋祭陳魯公文

士之處世患不逢時及其進用得君逢時可寃設施堂堂魯公
國之元龜民之父母世之宗師歷事四朝終始無虧光相二帝
蓋忠不欺休休有容涯涯無窺盛德大節人皆仰之胡馬懷江
閒者四馳公獨屹然處以靜謐以身許國奚顧家室一鏃不施
邊風自息宗社以寧緊誰之力堯舜授受乾旋坤闕同列異議
公獨忠赤功成而退固有德色赤松與遊脫遺羈馬疆事未寧

羽書方急上心焦勞起公于疾人望翕然如用君實折衝千里
再安王室公欲有爲百木遂一彼蒼者天胡不憖遺變生俄頃
什于秦事震驚中外邦國殄率嗚呼哀哉朋晚進不才誤辱公
知官守有拘莫覩靈輜致奠遣僚寫心以詞爲天下慟豈曰予
私

朱子祭陳公文

惟公德在生民功書信史大節昭然善終善始中興輔相比立
豪英曰文曰武各以其名孰如我公道全德備莫得而名繁名
之至亦弗自知惟誠惟一敦善畢隨士于見聞以多爲富公無

不窺不以傳者士于詞章以麗爲精公無不能不以文稱匪清
匪濁不夷不惠和不至泥廉不至劇論無苟異亦無必同溫溫
其毅坦其恭執法于中不專爲直大姦旣除國論斯一承流于
外不一于寬苛矯不作間里自安中坐廟堂弘綱是總主德旣
修民聽不聳從容一言拔倭移寵帝納其忠人服其勇晚而告
休旣是遺紳安車駟馬歸臥里門進不出位退不忘君坦景雖
卑德義日尊群行無融尙不勝紀公亦何心有此全美惟其不
有道則彌光兩宮之眷四海之望謂當百年再登承嗣卒惠我
民永綏王國云胡不淑奄忽長終臨絕之言不忘奏忠嗚呼哀

哉我從公遊出入二紀晚途間關辱託知己千里計至一觴薦
誠想公如在酒淚同傾尚享

邵二泉祭陳魯公文

維弘治十四年六月丁丑朔越二十七日癸卯巡視學校江西
按察司副使後學常郡邵寶謹具牲酒菓餚奠於宋丞相魯國
文正陳公侍郎文節謝公之神位曰於戲維我二公後先有作
功勛節義表茲來學我邇我豆時祭之供高山景行我懷曷窮
尚享

陳謝二公祠堂祝文有序

中順大夫江西等處提刑按察司副使會稽韓陽侯叅議大夫
江西等處提刑按察司僉事括蒼金愷書并篆鄉賢祠者弋陽
陳公長卿謝公君植二先生之祠也陳爲宋中興賢相謝爲宋
季世忠臣其偉望美名著於鄉國豐功勁節垂諸史編歷百十
年耿耿不泯祠而祝之于鄉禮也去秋都臺韓公撫巡至弋景
仰先哲重建祠堂其創造規畫之由與二先生歷官終始大理
少卿李公記之詳矣大理以爲祠堂旣脩歲時祭祀之儀烏可
缺哉復以祝贊之詞遞於未學吁祠之創建誠有賴於我都臺
振作興舉使賢相忠臣千載有光功莫大焉今大理公爰以祝詞是

託其尊賢尙德之心爲何如哉陽忘其固陋勉述二先生之槩
以復俾歲時享祀讀而視之其詞曰

弋川之秀鍾我陳公學宏而博德厚而豐仕于宣和丁宋不
兢出使虜廷辭嚴義正天未厭宋高宗中興召公大拜赫叱
厥聲沉然有謀明敏有斷遣將任賢成資竒筭力排和議決
策親征國威丕振公論大明孝宗受禪尤資輔翊社稷之臣
無忝厥職入則嚮坐呼不以名君臣魚水腹心股肱年耄辭
歸召而復起扶掖入朝中外咸喜虜勢漸息民心日寧中興
諸相公其苦稱疾薨於位天子懷德旌忠之碑大書金石存

封沒謚食報匪輕百年盛除千古芳名維吾謝公天資道學
學富才高早登科第君門獻策力詆權奸清風勁節爲國大
閑募兵江右發策漕司憤譏似道言危行危大忤權奸謫居
興國榮辱俱忘講道自適屢徵史館勉赴提刑尋遷禮部轄
州統兵詎意元兵倏然而至逆戰團湖誓全忠義揮刀盡矢
繫殺多人耻事二姓卜隱入閩鉅夫變炎威以公薦昇跡逃
名背不知見夫何魏祐強逼北行不飲不食終于燕京李氏
夫人義不受辱一女二弟均死于獄學探孔孟志竭忠賢以
身殉國雖死如生都臺韓公撫巡江右歷觀史書知名已久

仰維功烈百世懷思授命姚守進此新祠祠之云何重闕風
教尙期後人是則是倣薦蘋薦藻來格來歆洋洋如在無間
古今景泰五年歲在甲戌春正月吉旦朝列大夫江西等處
承宣布政使司右叅議金華陳珪

中順大夫廣信府知府四明姚堂同鐫

魯國陳文正公議

中奉大夫浙江布政使司左布政使同邑李鏡文明謨李氏子
曰陳康伯字長卿號龜嶺信州弋陽人宣和三年登進士第崇
文炳若大度豁如膺算神謀雅量高致將志存乎立功而事專

乎報主顧當蔡京柄國群兇煽虐於蒼穹乃值童貫蒙邊胡羯
交馳于原野遂使神州陸沉已不得行其志宗社板蕩力無以
殲其爲已而金酋北驅高皇南渡八陵廢祀切懷利禰之思
帝蒙塵愁建迎盜之悃奈帝始感于汪黃國威不振復制于
檣和好竟成舉朝不言獨請選將練兵而以直見忤遽罷
之罷舉世避禍獨委身徇國而以忠見沮久蒙下位之沉愴
捐館公遂登朝居刑部尙書而冤獄已平善類賴以全活爲
知政事而宿弊盡革朝廷藉以清明繼紫誥之寵頒逮黃麻之
備升論政密勿不依阿以取容議事僚屬必商確于理當及勞

敗盟還報益急乃解衣置酒慰主上之心安至長驅充斥朝野
大震乃引燭焚詔致航海之議息決策親征六軍踴躍何異遠
淵之役金亮身斃萬姓復獲實同澠水之勲分布要害增置上
流之精兵區處有條安輯畿內之黎庶掃妖氛開闢河之塞麗
炎精收虞淵之功偉哉周召之芳名皋夔之盛乃以盛滿爲懼
退間爲樂管絃不廢匹休安石于東山孝友兼全繼美魏公子
畫錦及隆興之際運遭虜騎之復至帝心知公有爲起公復相
都人見至咸鼓舞以歡呼醜類聞風率震懾而逃遁正敵
禮改臣稱帝減歲幣之費節財紓民蓋自南渡以來輔弼

功勲軒赫號中興名相爲帝者首稱緣公超世之才絕倫之智
故能以弱爲強化亂爲治社稷旣危而復安民心旣散而復合
較之因時事之艱難窺倖以自利者若霄壤之懸絕矣噫江左
夷吾克沈腥膻之穢北門寇老自致朝廷之尊白日麗天陰翳
屏伏紅雲映發瑞氣薰蒸實爲保定之徵再闢亨嘉之運玉燭
調而泰階平其仰明良有慶金甌啓而離照溥咸叨康濟多仁
益自武侯身後國士無雙誠推文山生前人流第一忠誠貫金
石用昭奕葉之榮節義厲冰霜式著萬年之耿于今爲烈至久
彌光猶歟休哉掄揚其聲是爲嚴崑弘治十年丁巳秋九月吉

五世書



陳文正公文集卷之十二

外集

陳氏族譜記

舊用史歷年圖法吾族歷甲子不知幾百遍矣今去繁就簡
唐憲宗年號以下顯迹畧記於左以俟觀覽初江州始祖伯
與福建觀察使馬綱善後遷江西等處觀察使刺南康與俱至
遂結茅晦迹山之陰著史記累徵不起就拜著作佐郎謚真隱
元和辛卯以所居故基今太平宮擬他遷云唐憲宗元和四年
己丑祖旺公始由廬山唐憲宗元和十二年丁酉裴度奏刑部
陳文正公文集

卷之十二

侍郎馬總爲宣慰副使處子韓愈爲行軍司馬共計吳元濟推
總由福建觀察使遷江南路觀察使與舅祖伯宣同來在干刑
部侍郎之前唐僖宗中和四年甲辰祖崇公族表門閭有表章
唐昭宗大順元年庚戌祖始公始立家法有祭家法條例南唐
烈宗昇元元年丁酉卽石晉天福二年祖表公旌表門閭有表
章宋太祖開寶二年己巳祖昉公立石刻徐錯書堂記重受旌
表免差役派徵有例條宋太宗太平興國七年壬午祖鴻公勅
免科徭派徵依張齊賢奏有表章宋太宗至道二年丙申祖旭
公勅賜御書三十卷作玉音閣有條陳至道三年丁酉勅令

米於德安縣納再受旌表有表章宋真宗咸平五年壬寅立石
刻義門碑御書旌表義門陳氏六字于碑景德元年甲辰祖蔭
公立碑刻遠祖記家世字號十二思彥承延知守宗希公汝大
繼世多積德由是英桀輩出開科業儒者一百三十餘人蕃衍
盛大景德四年丁未祖延公賞牧釣大中祥符九年丙辰朝廷
差官至義門監分爲二十有一再分爲五十四小支仁宗天聖
四年丙寅祖泰公承旌表義門陳炎御翰真良家三字賜之存
譜三十二世孫仁瑞公緣遭難屢遷避地于亳州譙縣三里復
遷于弋之嶺山下愛山水之勝遂居焉生一子欽拜官莆田尉

尋擢承直郎判信州實起家之祖生二子長文義早年高尙晚以禮聘玉山書院山次文清以文薦知東陽尉祖義公生仕堯祖堯公生居仁祖仁公生三子長林仲皇恩爲上騎都尉次榮仲以力名爲上騎輕車都尉次亨仲登紹聖甲戌進士拜左承議郎尋擢江淞提舉轉運副使甫生二子長康侯登建炎己酉進士授迪功郎轉累擢防禦使大中大夫統制次康伯中徽宗宣和三年鄉試登欽宗丙科進士拜左僕射同中書門下平章事進封福國公歷事列聖三十九年高宗朝虜勢克蹙決策親征有功南渡孝宗受禪輔導益力社稷以安稱中與名相加

封魯國公贈太師改謚文正追封五代國公第一世祖欽公謚
明道以明堂及以孫貴恩贈太師封英國公高祖文義公謚學
正以孫貴贈太保追封鎮國公曾祖仕堯公謚惠和以孫貴贈
太師封楚國公祖居仁公謚孝靖以孫貴贈太師追封越國公
考亨仲登紹聖甲戌進士拜左承議郎江湖轉運副使謚忠肅
以子貴贈太師追封秦國公康伯文正公生僖節公安節祥節
公各分支派遷居原自弋之齊山作相時勅賜弋陽市北榮錦
坊基址建府第及譙隱園山塘家聲世範載千史鑑赫上楮揚
章七可考文正公忠貫日星孫嗣蕃衍科第延綿德澤流芳無

間古今殆與天地同悠久者也

修族譜記

夫譜之修豈徒然哉尊祖宗序親疎辨隆殺佑賢德述責顯詳
婚嫁嚴死生尚改睦使後來有所徵且以寄吾福國公孝思之
忱于無窮毋徒視爲文具其庶幾乎始記此以娛

陳謝二公祠堂記

古君子仕當國家多難之秋及運去祚移之日以身殉國以道
事君說論足以決大疑挫逆虜侵軼之勢振大業于中興風節
足以植天常全臣子不事二君之心立大闢于萬世求其人豈

易得哉於吾弋求相陳公康伯謝公枋得見焉按宋史及神道
碑康伯字長卿號龜嶺幼穎悟讀書一過目不忘未冠貢京師宣
和三年中丙科高宗朝累官至吏部侍郎嘗使虜不辱國命屢
奪太郡善政尤多紹興初召還拜尚書左僕射同中書門下平
章事淵默寡言明敏有斷臨大政謀猷靜深勤合機會遣將任
賢各得其當料敵制勝妙筭無遺拒講和之請寇患以之而消
決親征之策士氣以之而振高宗嘗稱爲真宰相孝宗受禪輔
導益力挺然有古社稷臣之風每朝賜坐便殿呼丞相而不以
名年耄累疏乞歸制授少卿觀文殿大學士封福國公既判信

州未幾虜兵犯淮報急人情大駭上親札起公進封魯國公既至殿門扶掖入見戒拜賜坐勞問優渥許肩輿至殿門見者夾道懽呼以手加額尋免朝每有大事許封章以進國賴以安乾道元年二月以疾薨於位謚文正上賜旌忠顯德之碑表於墓配享廟廷考其爲學一出于孔孟在人主前論事每以仁義之言堯舜之道開迪上心覩其草親征之詔詞嚴義正烈日爭光其忠德足以感天地動人心雖奉天澤潞之作不過是也枋得字君植號疊山讀書五行俱下淹貫群籍理宗朝中寶祐丙辰進士對策力詆權奸除撫州司戶則棄去時起葵宣撫江東西

爲屬除架閣令募兵江上公發策漕司試士憤賈似道誤國極
言天心怒地氣變民心離人才壞兵必至國必亡大忤賈意謫
居興國軍令與一時名士皆及門執弟子禮講道自若乙亥連
以史館召不赴尋強起爲一策提刑遷禮部侍郎搃兵饒信元兵
至調部將張孝忠逆戰團湖坪矢盡揮刀擊殺百餘人兵威少
挫後信州不守耻事二姓越閩隱於卜元學士程鉅夫者首以
公薦行省丞相蒙古台管如德尚書留廢炎皆奉旨召公不起
忝政魏天祐強公北行至燕京以不食死夫人李氏義不受辱
縊于建康獄中弟君烈君澤三姪二女二婢皆死獄中伯父徽

明爲富陽尉與元兵戰失利二子抱父屍同死季弟君禹以不屈斬于九江一門守節視死如歸何其烈也其學上探周孔下參濂尹優入聖域於五經四書多所註釋古詩文擇其佳者批點以式來學爲文章史稱汪洋演迤渾然天成每以道爲已任高標勁節有古忠臣烈士之風謚曰文節門人虞舜臣等築室祠公省臣請於朝爲疊山書院嗚呼二公生與同邑皆宋名臣然魯公歷仕兩朝遭時多難值虜寇猋熾薰天之際獨以首相當國忠言讜論懷夷尊華中興之業賴之以振論者以爲度量以謝安臨大政決大議似韓相國南渡以來輔弼大臣以道事

君公其最也。疊山仕嘗宋季，運去祚移之間，闕仕途，以身殉國。其死不悔，克全臣節，萬世大閑由之。而立論者謂公直言不諂，無愧劉蕡仗義不屈殺身，自成與文天祥相表裏信矣。二公舊有祠祠久廢。去年秋，都御史姑蘇韓公雍巡撫至弋，考察興革之餘，百廢畢舉。庶政更新，乃謀于郡守四明姚公堂，度地于城隍廟西，建祠合祀焉。命知縣黃旻董其役，中堂肖以像，左右翼以屋，直前構以門，四周繚以牆垣，基址及階俱甃以石，愈年落成，其費皆郡守姚公捐俸倡於上，及其工之弗脩，邑民富而好義者謝敬安邵德咸樂助焉。敬安乃疊山族胤也。偕魯公十二

世孫公信季彬季蕝輩喜其完美厥祖之靈永有托也請爲配
適憲副山陰韓公陽按治至復捐廩購石刻其詞永久予惟都
憲韓公以雄才碩德望重天下上體國家旌忠尙德之心下徇
邦人景仰崇祀之念憲副郡守復能共成其美吾後進得以拜
瞻祠下莫不感慕興起志存遠大者得不以二公勲業忠節自
奮思欲俎豆其間乎噫是祠之建非特尊崇先哲抑亦激勸後
人有闕風化爲甚大謹爲之記景泰五年歲在甲戌春正月吉
旦中順大夫贊治尹大理寺少卿同邑李奎撰

弋外翰李中合祀頌

載稽郡誌陳文正公康伯學宗孔孟忠貫日星仕宋高宗孝宗
朝官至平章功昭輔導排講和之議國是以明草親征之詔士
氣用奮守郡而善政不磨使虜而君命不辱世稱陳謝廟祀鄉
邦

弋通庠台祀頌

考宋史陳公之初仕也以不黨秦檜而十年奉祠之意何堅其
既相也獨豫料虜情而兩淮守禦之策以定朝臣各遣家室而
公乃迎家人以安郡情高宗令散百官而公之焚手詔以全主
勢草親征之詔而和議以息建策之勲而大義以彰體國致身

老而愈壯完名全節自古爲難南渡之相莫之或先中興之功
於是爲大其與謝公益屹然如嵩華竝峙而各全其尊翼然如
江漢競流而共成其大韓都並祀有由來矣

王十朋讀親征詔書詩二首

甲寅年冬讀親征詔書哀痛切骨猷畝愛君情至于此食祿
者義當何如胸中輾轉不能自己故作二詩以識

逆虜何時正典刑人聞諸將擁強兵中原未雪十年耻聖主自
勞千里征楚國群雄誰慟哭杜陵野老自吞聲君門壓頂丘山
重命擲鴻毛未是輕

諸將年來已極榮
四看烟閣欠功名
八年猶未平淮甸
一戰那能復帝京
猷猷忠臣自夏國
閭閻小子妄談兵
憑誰爲決天河水
一洗乾坤萬里清

明學士宋濂題崇德閣二十四功臣詩

理宗寶慶丙戌年
昭勲崇哲標英賢
趙溥曹彬薛居正
有功宋室
疇能先石熙載
洎潘仁美李沆
王旦相比
隣王魯之後
更有誰李繼美
兮而已矣
呂夷簡出曹瑋
前韓琦富弼
相蟬聯
曾公亮及溫公
氏韓忠亮亦
名燦然嗣茲
南宋罹凶危
功名次第誰
當勒却虜摧
殘韓世忠親
征堅議陳康
伯呂頤浩亦
著名稱趙

鼎班資赫有聲張浚下列史浩氏次之葛邲懸丹青趙汝愚係
天潢派厥名千載登圖繪廟堂永祀享無窮勛業輝輝甚時瞻

中興五臣詩

南宋高宗四九齡始終五相輔中興李綱力諫君南幸順浩躬
驅將北征趙鼎秉衡朝士賀魏公當國衆心傾天詠桑榆生康
伯止率閩都國又興

江西巡撫姑蘓韓雍題陳文正公律詩

丞相勲名人已卽立身殉國任安危攜家焚詔離心合抗議親
征虜勢靡輔翼聖朝專重寄禦防社稷賴綱維班班史策昭彝

典百世聞風遠足師

江西巡撫徐姚孫熒巡撫至弋夜夢陳文正公作

東行巡視駐旌麾宋相稱名應夔竒笑語凜然生氣在典刑
有古風遺補天事業昭先代立石功勲啓後師食報民間歆祀
享綱常賴有迹維持

知廣信府事中順大夫金鉞題陳文正公絕句

中外居官大有爲平生心事萬朝知後人欲仰孤高處試讀旌
忠顯德碑

題陳謝二公五言古風

高明

弋陽古色名水碧山蒼蒼千年儲秀氣一旦旌忠良
遺陳丞相登山謝侍郎丞相立勲業侍郎扶綱常
其垂宇宙名同爭日月光我生爲晚輩心竊喜同鄉
欲奮繼前哲力未能擔當

讀文正公文集七言律

世孫緒

南渡山興論首功良臣賢相是吾公力排和議謀
秦計決策親征却雪戎歷朝北宋後南宋輔用高宗
及孝宗編七血衣春秋祀山河明月永無窮

陳文正公文集卷之十三

後集

讀親征草詔跋

孫景參

仰惟高宗紹興中與歲在辛巳逆虜渝盟爰下親征之詔讀者
感憤流涕雖奉天澤潞之作弗能及也魯不逾時戕其元惡禍
亂以平時先祖魯國公實爲首祠廟堂帷幄受命摘詞人莫得
聞公亦未嘗一語告子家迄今四十年始得遺藁于中表何氏
塗改點竄手澤具存乃知敘述上意一出于公信而有證也謹
勒諸琬琰以及闕文抑見區區不忘之志慶元庚申孟夏既望

孫朝請大夫試將作監兼全部郎官景參百拜謹書

讀親征草詔跋

孫景思

慶元庚申夏四月元兄得大父所草紹興辛巳親征詔本感慨
事業爲之涕零一時王公大人争相是正方將摹刻信傳後來
而兄逝矣嗚呼大父忠憤之文隱而弗彰先兄顯揚之誠作而
弗遂景思無所肖似復何以推廣先志哉于是命匠镌之樂石
庶幾忠孝之實其不泯云嘉泰癸亥膺月望孫朝散郎秘閣權
兩浙路轉運判官提領戶部檄賞後庫兼權臨安府蕙湖兩安
撫司事景思百拜敬書

陳氏譜序

世孫棐

陳氏之先出自帝舜有虞之後周封于陳子孫因以爲姓焉其
後分徙東西弗可勝數後至于明道自西隋唐之初由潁川
居信之弋邑縣南玉亭鄉密山之下遂家焉公生二子長曰文
義次文清早世文義生仕堯以曾孫康伯仕宋拜相贈楚國公
生子居仁贈越國公三子長林仲次亨仲三榮仲林仲居皇華
榮仲居陳家塢子孫皆承魯國公恩澤顯官于時亨仲登紹聖
甲戌進士初任亳州司理授廸功郎遷本路提舉以子康伯貴
贈奉國公子二人長康侯次卽康伯康侯補將仕郎至彰州守

率議大夫孫九人景衡景賢景禹景望景旦景召景況景光皆承職任後居市西號曰西府魯國幼穎悟讀書一過不忘宣和辛丑侍父在亳州年二十一中丙科初授平江府主簿累官至大師謚文恭高宗勅賜第宅于市北扁其坊曰榮錦生子二長偉節次安節並爲正卿孫五人景山景淵景祖景參俱補授大夫魯公乾道改元二月二十八日薨於位上輟視朝三日賜銀絹三千匹兩及龍腦聖駕擇日臨奠偉節等辭免上勅國子博士芮輝致祭于路差內侍省押班賈竑主管葬事工部侍郎權尙書何備及姪大節護喪以歸令本州應付葬事夫人何氏卒

于是年九月九日初授淑國夫人累贈封魯國夫人合葬鉛山
仁義鄉安定里之楊源太上御翰墨賜旌忠顯德之碑六字令
翰林學士劉珙文銘翰林待詔洪邁書表于墓紹興甲寅配享
孝宗皇帝廟庭嘉泰辛酉寧宗皇帝改謚文正其後子孫皆承
魯公之澤歷代簪纓相繼聞者見者罔不欽仰九世孫棐觀其
前帙歷七可考然後愈傳愈遠宗族繁盛尊卑莫如或相逢于
道路邂逅于邸肆猶如舊人弗能相認致令德義之族猶如
甞新之人觀其所由不知宗派所分營兆所在今續斯譜傳之于
後庶幾世七子孫知有尊卑之分不忘所自出其于陳氏世系

有補豈淺哉淳祐五年孟夏既望世孫裴拜書

族譜後序

吾始祖明道公自隋唐徙于江右今之弋陽縣居于邑之南壟山下遺址猶存六世祖康伯南宋爲賢相集成家譜傳之子孫迄今十七世親疎昭穆歷々可考其中各宦儻載譜牒近觀各處亦有同姓而非族者皆文正公之後及談論其所來自考對事實悉皆矛盾多出虛僞與君家族譜大有不同者矣竊思吾上祖魯公拜相之際勅賜居居第于市北榮錦坊凡誥勅之文及子孫顯宦之蹟具載家乘累因兵燹子孫散處于外收藏不

一多致遺迷遠爲昌姓所得而所謂稱魯公之後者有以藉口
執爲已物掩匿年久出示親朋不復致疑于其間今予會宗合
族取贄于家長功啟功信季忠季彬季謀重修家譜悉將十二
世祖旭向公遺囑并文正公勅賜花園原立富貴福祿壽康寧
七字闕書俾子孫分執管紹其有基址者卽魯公親支子孫其
不與此者卽爲妄附庶幾將來有所徵考今因譜成特述此于
卷末傳之子孫世世相承珍藏什襲恪守先訓敬之慎之毋違
景泰六年龍集乙亥十月望日十六世孫季廉謹識

遺囑

附刻

卷之十三

百六

於戲吾以菲才忝繼高祖宋相文正公之後夙夜兢懼思莫能
續緒前烈晚年強爲祿仕典教邑庠謹身事親自爲無怙今年
春遘疾遂莫能起日益煩亟恐盡在旦夕矣於戲死生夜旦之
理抑何憾焉但念汝曹尚在幼稚未能成立爲憂然吾家以世
德之餘汝曹當盡繼承之志必有可望者焉吾宗祖所寶則故
相遺物制誥文字所守者故相基園丘隴迨吾身凡七世矣保
未嘗有棄毀後之子孫當以祖宗之心爲心雖交不得假借雖
貧無致鬻賣設有不肖以違吾言當贄之于官以不孝論夫佛
老之教吾儒所恥毋許修設齋事於乎勉哉於乎慎哉延祐三

年丙辰歲十一月十五日建賜諸子元德元亮等守

勅賜基園塘池丘隴

勅賜東西府第嶺有花園嶺建閣嶺以上俱在城山有五都木
塢金鍾山十二都栗茄山姚家山虎岩腦山東南至毛源大路
西至員石塘北至山麓灣曲鉛山田界廿四都軍陽蓮塘山九
源白塢山二十五都岫山五十六都肥塘崗山塘有十二都大
觀塘小觀塘大寺塘小寺塘園石塘楊家塘大楊塘小楊塘上
沉塘下沉塘北岩塘楊仙塘松樹塘弔水湖以上諸塘富貴福
祿壽康寧七字均管有三十四都園塘上三十三

都五十

附刻

卷之十三

百七

六都肥塘在城均管丘墓則有英國公臥葵榭家塢鎮國公文
父葵水碓塢楚國公仕堯葵廨背塢三墓俱在玉亭鄉越國公
居仁塋金路縣鵝籠峯秦國公亨仲葵鉛山縣楊源魯國文正
公塋鉛山縣九龍崗有勒賜碑銘以上諸墓俱載縣志汝曹宜
蓋繼承之志傳與子孫毋仰失骨再囑

年丙辰歲十一月十五日遣囑諸子元德元亮等遵守

勅賜基園塘池丘隴附

勅賜東西府第嶺有花園嶺造閣嶺以上俱在城山有五都朱
塢金鍾山十二都姚家山廿四都軍陽蓮塘山九源白塢山二
十五都雷山五十六都肥塘崗山塘有十二都大觀塘小觀塘
大寺塘小寺塘岡石塘楊家塘大楊塘小楊塘上沉塘下沉塘
北岩塘楊仙塘松樹塘弟水湖以上諸塘富貴福祿壽康寧七
字均管又有三十四都凹塘上上十三都栗塘五十六都肥塘
石城均管丘墓則有英國公欽英梅家塢鎮國公文又葵水碓

塢楚國公仕亮葵葵廨背塢三墓俱在本縣玉亭鄉越國公居
仁葵金谿縣鷄籠峯秦國公亨仲葵鉛山縣楊源魯國文正公
葵鉛山縣九龍崗有勅賜碑銘以上諸墓俱載縣志汝曹宜盡
繼承之志傳與子孫毋俾失管再囑

自開闢以來有天地則有日月有日月則有山川與天地同
覆載與日月同照臨與山川同高深者則惟參贊之功吾
公內揆文教外奮武衛入則典司政本出則經營四方此天得
之以清地得之以寧日月得之以常明山川得之以奠定者
也宜乎自宋迄今春秋享祀永垂奕禩
昔
公之功寧有既乎管窺蠡測莫識高深草具數言敬付諸名賢
之後

昔

康熙二十九年庚午歲桐月裔孫特言薰沐百拜謹跋